



## الشذوذ الجنسي

### مقدمة

لقاء جديد من سلسلة سؤال محيرنى، وبنناقش بعض الأسئلة اللي فيها شك واللي أحيانا بييسألوها ولادنا وكثيرا ما يروجوها المتشككين أو غير المؤمنين.

قضية شاغلة العالم كله وللأسف عدو الخير بيقلبها علينا احنا كمسيحيين ويطلعنا غلطانين؛ هي قضية الشذوذ الجنسي أو Homosexuality.

اللي بيها بيعتبروا المسيحيين هما أعداء الحرية، على اعتبار ان الشذوذ حرية شخصية وكون المسيحيين (اللي منهم فاهمين وماسكين فى الإنجيل) والكنائس المصححة بيقولوا ده غلط وخطية، بيعتبروا ان ده تقييد لحرية البشر، ويرفعوا قضايا على الكنائس دي وبيهاجموها بعنف شديد جداً وممكن يصل إلى الإرهاب لمجرد ان هما واقفين لفكرة الشذوذ موقف شديد انه ده غلط.

### الموقف الحالى فى البلاد الأجنبية من القضية

بعض البلاد الأجنبية وصلت إنه تعريف كلمة عيلة فى الدستور: شطبوه ومبقوش يقولوا رجل وامرأة وأولاد. سابوها عايمة لأن كلمة عيلة ممكن تحتل أي حاجة.

ولو واحد فى بعض البلاد بيعانى من الشذوذ وبيحاول يرجع إلى طبيعته؛ الدكتور اللي بيساعده يتحاكم وتتأخذ منه رخصة مزاوله المهنة -مهنة الطب النفسى أو الارشاد النفسى- لو حب يغير ميله.

## مثال

شاب مثلا عنده ميول جنسية لنفسه، هو حاسس انه كرجل المفروض يميل إلى الجنس الآخر. بيروح لحد مرشد يقوله ساعدني انى استعيد طبيعتي كرجل بحيث أميل إلى الجنس الآخر. في بعض البلاد لو الدكتور ده ساعده، الدكتور ده يتشطب عليه لأنه من حقه تحسوا انه في شيطان بيحرك الأمور لأنه عاوز يُفسد ما خلقه الله.

## الردود من الكتاب المقدس

الإنجيل قال بصريح العبارة ان الموضوع ده غلط. لكن احنا مش بنقول بس بكلام الإنجيل احنا كمان بنقول كل شوية ارجعوا للمنطق. لأنه أحيانا يقابلنا ناس لا يعتبرون أو لا يحترمون مرجعية الكتاب. وبالتالي يحترمون العقل. خرينا نناقش العقل. بداية الإنجيل قال من أول سفر التكوين:

**"فِي الْبَدْءِ خَلَقَ اللَّهُ السَّمَاوَاتِ وَالْأَرْضَ" (تك 1 : 1)**

بعدها بشوية قال:

**"وَلَكِنْ مِنْ بَدْءِ الْخَلِيقَةِ، ذَكَرًا وَأُنْثَى خَلَقَهُمَا اللَّهُ" (مر 10 : 6)**

أذاً في تمييز جنسي من بداية الكتاب المقدس. فيه رجل وامرأة. آدم أول ما شاف حوا انجذب ليها وقال:

**"فَقَالَ آدَمُ: «هَذِهِ الْآنَ عَظْمٌ مِنْ عِظَامِي وَلَحْمٌ مِنْ لَحْمِي. هَذِهِ تُدْعَى امْرَأَةً لِأَنَّهَا مِنْ امْرِءٍ أُخِذْتُ" (تك 2 : 23)**

## الزوجة الواحدة

في نفس النص يقول:

**"لِذَلِكَ يَتْرُكُ الرَّجُلُ أَبَاهُ وَأُمَّهُ وَيَلْتَصِقُ بِامْرَأَتِهِ وَيَكُونَانِ جَسَدًا وَاحِدًا" (تك 2 : 24)**

يبقى في التصاق .. في ميل جنسي للزوجة يبقى ده الطبيعي. مسمعاش ساعتها عن أي حاجة غير كده.

## الإنحرافات

تدور الأيام ونبتدى نسمع جوه الكتاب المقدس عن الإنحرافات الجنسية.

مثلا لامك في أول سفر التكوين اصحاح 4. لامك ده حفيد قايين تزوج امرأتين. يذكرها الكتاب وكأنها خرجت عن الطبيعي لأن من أول آدم في حوا وكل واحد له مرآته وحتى لما نوصل لنوح نلقى نوح ومراته حام ومراته سام ومراته يافث ومراته، 8 بالعدد دخلوا الفلك وخرجوا منه. انما هنا ذكر مجرد انه أصبح فيه امرأتين دي حاجة كأنها خرق لنا موس الطبيعة والنظام الإلهي اللي ربنا عمله.

وتعددت الزوجات في الكتاب وشوفنا مثلا توصل إلى سليمان انه تزوج منات من السيدات وده كان سر انهيار المملكة بعد كده وكاد سليمان يهلك لولا إنه تاب في آخر حياته.

ارجع تانى لفكرة Homosexuality.

## الشذوذ؛ سدوم وعمورة

نسمع فى سفر التكوين انه فى سدوم وعمورة فى نوع من الجنس الغريب لدرجة ان الملائكة اللي جاينين كرجلين ينقذوا لوط وأولاده، رجال البلد اتلموا عند باب لوط وعاوزين ياخدوا الرجلين دول بتعبير الكتاب ليعرفوهم. المعرفة مقصود بيها يعتدوا عليهم جنسياً.

لوط خرج لهم يدافع عن الضيوف اللي هما ملائكة. لدرجة من كتر الفساد عرض عليهم بناته وكان الزنا ده حاجة مش بتناقش. بنتكلم فى مستوى أعلى من كده. كانت النهاية ان سدوم وعمورة اتحرقوا وخربوا.

وكنا زمان ندرس الكلمة دي تحت كلمة Sodomy جاية من سدوم. يعنى دي الكلمة اللي اخذت على النوع ده من العلاقات بين راجل وراجل. انما انهاردة صعب تقول الكلمة دي. يعتبروك بتهين شخص فى حرته أو فى احترامه لنفسه.

الكلام ده ذكره حتى العهد الجديد على الحادثة دي لما يقول فى رسالة يهوذا:

**"كَمَا أَنَّ سَدُومَ وَعَمُورَةَ وَالْمُدْنَ الَّتِي حَوْلَهُمَا، إِذْ زَنَّتْ عَلَى طَرِيقِ مَثَلِهِمَا، وَمَضَتْ وَرَاءَ جَسَدِ آخَرَ، جُعِلَتْ عِبْرَةً مُكَابِدَةً عِقَابِ نَارٍ أَبَدِيَّةٍ" (يهوذا 1 : 7)**

مضت وراء جسد آخر يعنى مش ميل للجسد المعتاد. أصبح ميل لنوع من العلاقات الغير طبيعية. اذا رسالة يهوذا ذكرت قضية سدوم وعمورة فى العهد الجديد.

شرح القصة دي بالتفصيل القديس بولس نفسه عشان متقولش ده رأى مسيحي أو رأى كنسي أو رأى قرن 21، لا فى روميه 1 القديس بولس وهو بيتكلم عن فساد البشرية واحتياجها للمسيح المخلص وانهيار الأخلاقيات وظلمة هذا الدهر وغيباء الناس فى انهم ماشيين وراء أجسادهم زي الحيوانات؛ قال كلام صريح جداً؛ قال:

**"الَّذِينَ اسْتَبَدَّلُوا حَقَّ اللَّهِ بِالْكَذِبِ، وَاتَّقَوْا وَعَبَدُوا الْمَخْلُوقَ دُونَ الْخَالِقِ، الَّذِي هُوَ مُبَارَكٌ إِلَى الْأَبَدِ. آمِينَ" (روا 25)**

يبقى الواضح خلوا بالكم من علاقة الخط الإلحادي أو رفض الحقيقة (حق الله يعنى الحقيقة) والدخول في المتاهات دي من نوع الشذوذ وغيره.

+وَاتَّقَوْا وَعَبَدُوا الْمَخْلُوقَ دُونَ الْخَالِقِ، الَّذِي هُوَ مُبَارَكٌ إِلَى الْأَبَدِ. آمِينَ. كانوا زمان يعبدوا التماثيل ويقعوا في الزنا والشذوذ انهاردة بيعبدوا الدولار والمراكز والحاجات دي...

**"لِذَلِكَ اسَلَّمَهُمُ اللَّهُ إِلَى أَهْوَاءِ الْهَوَانِ، لِأَنَّ إِنَاتَهُمْ اسْتَبَدَّلْنَ الاسْتِعْمَالَ الطَّبِيعِيَّ بِالَّذِي عَلَى خِلَافِ الطَّبِيعَةِ،" (روا 26)**

يعنى الستات الأمميات الوثنيات بقوا يمارسوا نوع من الشذوذ مع ستات زيهم. مبقاش استخدام زي الطبيعي.

**"وَكَذَلِكَ الذُّكُورُ أَيضًا تَارِكِينَ اسْتِعْمَالَ الْأُنْثَى الطَّبِيعِيَّ، اسْتَعَلُّوا بِشَهَوَاتِهِمْ بَعْضِهِمْ لِبَعْضٍ، فَاعْلِينَ الْفَحْشَاءَ ذُكُورًا بِذُكُورٍ، وَنَائِلِينَ فِي أَنْفُسِهِمْ جَزَاءَ ضَلَالِهِمُ الْمُحَقِّ" (روا 27)**

تلاحظوا تكرار كلمة الطبيعي. لأن الطبيعي نظام ربنا. والخروج عن أو الطبيعي يبقى خروج عن ربنا. كل ما هو ليس طبيعي يبقى خطية.

- الطبيعي هو الصدق يبقى الكذب خطية.

- الطبيعي هو الزواج يبقى الزنا خطية.

- الطبيعي رجل وامرأة يبقى الشذوذ خطية لأنه خروج عن الطبيعي.

وَنَائِلِينَ فِي أَنْفُسِهِمْ جَزَاءَ ضَلَالِهِمُ الْمُحَقِّ. تستغربوا من الآيه دي. هنا أقول معلومة مهمة بينكرها أحيانا بعض العلماء اللي عندهم النوع ده من الشذوذ: ان مرض الإيدز ثبت إنه أكثر انتشارا في ال homosexuality .. في الحالات دي.

وكثير من الأمراض النفسية والمتاعب النفسية تتضاعف في الناس دول أكثر من العادي. فكأنهم جزاء ضلالهم المحق يعنى في عقاب أو في نتيجة طبيعية لتشويه الطبيعة الإنسانية. الإنسان المشوه ده إنسان مش طبيعي.

وبالتالي تلاقى فيه كل حاجة مش طبيعية، تلاقى متاعبه النفسية مضاعفة وأمراض غريبة بتصيبه أكثر من الأمراض الطبيعية لأنه خرج عن الطبيعي.

"وَكَمَا لَمْ يَسْتَحْسِنُوا أَنْ يُبْقُوا اللَّهَ فِي مَعْرِفَتِهِمْ، أَسَلَمَهُمُ اللَّهُ إِلَى ذِهْنٍ مَرْفُوضٍ لِيَفْعَلُوا مَا لَا يَلِيقُ." (روا 1 : 28)

يبقى الجماعة دول لا يستحسنوا معرفه الله؛ مش عاوزين ربنا؛ ليه؟ لأن ربنا بيقولهم غلط، بيقولهم توبوا. المسيحية بتقول كده.

+ أَسَلَمَهُمُ اللَّهُ إِلَى ذِهْنٍ مَرْفُوضٍ لِيَفْعَلُوا مَا لَا يَلِيقُ؛ يبقى الكتاب المقدس صريح من أول أخبار سدوم وعمورة وكمات رومية 1 وسمعتنا رسالة يهوذا؛ في موقف واضح من الإنجيل ومن المسيحية ضد خطايا الشذوذ الجنسي.

## المأبونين

الحاجة الثانية لو تسمعوا في الشريعة عن لفظة المأبونين أو أحيانا تيجي في العهد الجديد نوع تاني اسمه مضاجعي الذكور، المأبونون دول كانوا حسب الشريعة محرمين يعني يقتلوا يرجموا زى الزناة وأكثر.

في الفترات اللي الشعب اليهودي عبد أوثان كان جنب عبادة الوثن في مركز للمأبونين أو مركز دعارة للنوع ده من الخطايا دائما جنب الوثنية، جنب التماثيل اللي ببسجدولها.

وبالتالي كان في علاقة واضحة أوى بين الوثنية وضلمة الفكر والبعد عن ربنا وبين انحرافات الجسد إلى أشياء غير طبيعية.

وتحريم المأبونين له كذا آيه في العهد القديم؛ في لاويين وفي تثنية وهكذا. وحسب الشريعة: من يضاجع رجل مضاجعة امرأة يقتل هو رجس عند الرب.

"وَلَا تُضَاجِعْ ذَكَرًا مُضَاجِعَةَ امْرَأَةٍ. إِنَّهُ رَجْسٌ" (لا 18 : 22)

أذاً في نص صريح بيقول ان الكلام ده خطية.

## في العهد الجديد

ذكر آيات تاني: مثلا في كورنثوس الأولى 6-9:10 لما كان بيتكلم عن انه اللي مُصر على خطيته ملوش دخول السما؛ قال:

أَمْ لَسْتُمْ تَعْلَمُونَ أَنَّ الظَّالِمِينَ لَا يَرِثُونَ مَلَكُوتَ اللَّهِ؟ لَا تَضَلُّوا: لَا زُنَاةٌ وَلَا عِبَادَةُ أَوْثَانٍ وَلَا فَاسِقُونَ وَلَا مَأْبُونُونَ وَلَا مُضَاجِعُو ذُكُورٍ" (1كو 6 : 9)

لا تضلوا يعنى متصدقوش . محدش يضلل دماغكم ويقولكم ينفع واحد ماشى غلط يدخل السما.

+ لَا زُنَاةً وَلَا عِبْدَةَ أَوْلِيَانٍ وَلَا فَاسِقُونَ وَلَا مَأْبُوتُونَ وَلَا مُضَاجِعِي الذُّكُورِ، ذكرها بشكل صريح.

"وَلَا سَارِقُونَ وَلَا طَمَّاعُونَ وَلَا سَكِيرُونَ وَلَا شَتَّامُونَ وَلَا خَاطِفُونَ يَرِثُونَ مَلَكُوتَ اللَّهِ" (1كو6 :

(10)

هنا فى إعلان صريح الخطايا دى لو استمروا فيها ملهمش سما. لكن هى محطوة جنب كل الخطايا عشان نفهمها انها خطية .. دى مش حرية دى خطية، وبالتالي الخطية ليها علاج .. التوبة.

محدش ياخد كلامى على اننا مش بنحترم الناس دول. احنا بنحترمهم دول بشر وبنحبهم. المسيح بيحبهم ومات عشانهم لكن لو فضلوا مصرين ان اللى بيعملوه صح وتحت شعار الحرية شايفين نفسهم صح وهما مرجعية نفسهم. مش عاوزين يرجعوا للحق الكتابى .. لإعلان الله .. للطبيعة اللى خلقها ربنا؛ يبقى ملهمش دخول ملكوت السما.

واغلبهم بيقلوا أساساً لا فى ربنا ولا فى ملكوت. لكن للأسف بعضهم عاوز يتمسح فى المسيحية ويقول أنا صح والإنجيل موافقى! طبعاً الكلام ده مش فى الإنجيل.

نص آخر تلاحظوا انه موجود فى تيموثاوس الأولى الاصحاح الأول، آيه واضحة وصريحة ضد الكلام ده؛ يقول:

"عَالِمًا هَذَا: أَنَّ النَّامُوسَ لَمْ يُوضَعْ لِلْبَّارِّ، بَلْ لِلْأَثَمَةِ وَالْمُتَمَرِّدِينَ، لِلْفُجَّارِ وَالْخُطَاةِ، لِلدَّنِسِينَ وَالْمُسْتَبِيحِينَ، لِقَاتِلِي الآبَاءِ وَقَاتِلِي الأمّهاتِ، لِقَاتِلِي النَّاسِ لِلزُّنَاةِ، لِمُضَاجِعِي الذُّكُورِ، لِسَارِقِي النَّاسِ، لِلْكَذَّابِينَ، لِلْحَانِثِينَ، وَإِنْ كَانَ شَيْءٌ آخَرَ يُقَاوِمُ التَّعْلِيمَ الصَّحِيحَ، 1" (تى 1 : 9-10)

محطوة ضمن كل أنواع الخطايا الصعبة: القتل والزنا والدنس والاستباحة اذا تبقى خطية. لسارقي الناس، للكذابين، .. وَإِنْ كَانَ شَيْءٌ آخَرَ يُقَاوِمُ التَّعْلِيمَ الصَّحِيحَ. يبقى الكتاب واضح.

## ادعاء

هنا يجى ادعاء إنه كتير من الناس دول بيقلوا احنا اتولدنا كده. الجينات اللى فى جسمنا كده، احنا ملناش ذنب.

العلم الحقيقى الدراسات الحقيقية اثبتت انه مفيش حاجة اسمها جين يطلع راجل مش راجل. مفيش كلام زي كده ده ادعاء.

## تفسير منطقي

اللي بيحصل انه الطفل ممكن يتربى فى مجتمع فى لخبطة كتير، الطفل ده بيطلع ضحية فيفاجئ انه فى شاب أو راجل بيعتدى عليه بطريقة معينة فيتكون جواه ميل لهذا الشكل الغريب من التلذذ الجنسي. فيكبر ويبقى مستقبل لهذا النوع من الانفعالات الجسدية. وممكن يكبر أكثر من كده ويبقى هو نفسه عاوز يمارس ده مع شباب. فدخلنا فى شكل مشوه بدأ فى الطفولة لكن مابدأش من الولادة.

يعنى مش خلقه ربنا. ده المجتمع الفاسد والبيت المخبط والأماكن الموبوءة وعدم وجود فكر ربنا هو اللي مخلق الفساد يكثر.

## تفسير منطقي آخر

الطفل اللي اتربى طبيعى بين أب وأم بيحبوا بعض محبة حقيقية وبيعيشوا حياة طبيعية حياة جسدية مقدسة فى النور كزواج. وأم بتحترم الأب وفى حته نفسية فى الموضوع يطلع طفل سوى.

لكن الأم المتسلطة على جوزها تطلع أولادها أكثر عرضه للنوع ده من الانحراف. لأن الطبيعى يكون الأب هو رأس البيت. فعدم احترام الزوجة لجوزها أو تطاولها عليه أو ضعف صورة الأب؛ ساعات تخلى الطفل يتقمص شخصية أمه فيطلع شايف نفسه مش راجل، يميل للصورة دي أكثر. وكذلك بالنسبة للبنات والسيدات.

طبعاً مش دي بس الأسباب، لكن كلها مرتبطة بالتربية والخبرات السيئة والتعاليم البطالة والفساد اللي فى العالم.

لكن مفيش حاجة مرتبطة بربنا حاشا. الجينات دي خلقه ربنا وربنا مخلقش الإنسان عشان يمشى فى السكة دي. لأن ربنا أعلن بشكل صريح من البدء خلقهم ذكراً وانثى ولما جاب لآدم جاب له حوا، وده كان الشكل المثالى أو الأيقونة أو الموديل اللي كل البشرية هتمشى عليها.

## مثال كتابي

نوح مثلاً كمخلص للجيل بتاعه هو اللي عاش عيشة فيها زواج وفيها أولاد وفيها علاقة طبيعية، وأولاده نفس الكلام وموسى النبي متزوج، أبونا ابراهيم كان متزوج .. اسحق .. يعقوب .. داود .. بطرس الرسول كان متزوج. مكنش فى غير الشكل الطبيعى اللي احنا مستلمينه وشايفينه وعاشين عليه وموجود فى الإنجيل.

فما يدعيه بعض الناس ان العلم بيقول أو الجينات بتقول كده وبالتالي أنا ذنبي إيه!! هو يمكن الذنب مش ذنبك لوحدك هو ذنب المجتمع كله؛ لكن كل شيء قابل للإصلاح بالتوبة.

## هل ممكن هذا الميل يتغير؟

واحد يقول مستحيل واحد يغير هذا الميل اللي جواه، هو بيقول مستحيل على أساس ايه؟!!

الكتاب صريح وبيقول هل يعثر على الله شىء؟ الغير مستطاع عند الناس مستطاع عند الله.

ولو درستوا الموضوع بشكل طبي: تلاقوا فى درجات:

فى واحد يبقى عنده مجرد ميل .. مجرد فكرة ومدخلش فى ممارسات رديئة أو خبرات رديئة - ده علاجه مش صعب أبداً ده ممكن يعيش حياة سعيدة ويتجاوز ويبقى عنده أولاد والموضوع ده يبقى مجرد فكرة باهتة زى أى فكرة رديئة تحارب أى إنسان.

الإنسان اللي بيقول مقدرش اعمل كونترول على نفسى: طب مقالش ليه ليوسف والإغراء جى له من امرأة سيده؛ عمل كونترول على نفسه ازاي؟ ده كل الظروف بتدفعه دفع للزنى وده ميله الجسدى الطبيعى، كان بالأولى يوسف يقول أعمل إيه؟ غصب عنى. لا مفيش حاجة غصب عن حد.

الإنسان له ارادة وبقارره وبارادته بيقول صح وغلط. يا يمشى صح يا يمشى غلط. ممكن يرفض وممكن يقبل. الشيطان ميقدرش يجبر حد على حاجة. كل القديسين علمونا كده لأن الكتاب يقول:

**"أَصْحُوا وَاسْهَرُوا. لِأَنَّ إِبْلِيسَ خَصَمَكُمْ كَأَسَدٍ زَائِرٍ، يَجُولُ مُلْتَمِسًا مَنْ يَبْتَلِعُهُ هُوَ.**  
**9 فِقَاوْمُوهُ، رَاسِخِينَ فِي الْإِيمَانِ، عَالِمِينَ أَنَّ نَفْسَ هَذِهِ الْأَلَامِ تُجْرَى عَلَى إِخْوَتِكُمُ الَّذِينَ فِي**  
**العَالَمِ. " (1بط5 : 8-9)**

إذا احنا فى إيدينا نقول لأ.

وفى آية تانى نقول:

**"وَلَا تُعْطُوا إِبْلِيسَ مَكَانًا. " (أف4 : 27)**

فكل اللي بيقول: غصب عنى .. ربنا خلقتى كده .. أنا ظروفى كده .. مفيش غير كده؛ الحقيقة ده ادعاء باطل. لأن اللي هيسرق هيقول وأنا اعمل ايه؟ واللى هيكذب هيقول وأنا اعمل ايه؟ واللى هيقتل يقول أنا اعمل ايه؟ واللى بيزنى يقول وأنا اعمل ايه؟ يبقى الواحد مش عايز يتحمل نتيجة أفعاله وقراراته.



## هل العلاج ممكن؟

واحد يقول طب ما هو برضه العلاج صعب!! لأنه اتعرض لخبرات سيئة وعاش فى الموضوع ده كتير!!

## العلاج يبدأ بالمسيح بالتوبة

انى أروح لربنا واقوله: غيرنى .. ساعدنى .. صلحنى .. انت اللى خلقتنى .. انت تصلح حالى .. تشيل اللى فات كله - المسيح شاله على صليبه- وتعطينى حياة جديدة نقية بجواز أو من غير جواز لأن الجواز مش هدف فى ذاته لكن النقاوة هدف فى ذاتها. نقاوة القلب ونقاوة الجسد هدف، أما الزواج هو وسيلة أعطاها ربنا للبعض لكن مش الكل ممكن يتزوجوا.

## أحفظ نفسك

لو افترضنا واحد مش قادر يظبط الميل ده خالص للطبيعي، طب يحافظ على نفسه. ما ياما شباب متجوزوش ومحافظين على أنفسهم وعاشين فى نقاوة.

## الخلاصة

إذاً كل ما يدعيه العالم من ان ده موضوع محدش يقرب منه ودي حرية شخصية ويتباهوا بالخطية ويقفوا بشدة لأى حد يحاول يقرب من الفكرة دى وينادوا بالشعارات دى جوه المدارس والكليات والجامعات ويعنوا عن أنفسهم ويحاولوا يتقلدوا مناصب عاليه. كل ده تيار شيطانى داخل على العالم بيحاول يهد النظام الإلهى اللى ربنا عمله.

لكن فى الآخر ربنا له ميعاد زي ما حصل مع سدوم وعمورة؛ لما سعد شرهم جات النار والكبريت وقضت عليهم. قد يكون هؤلاء الناس ببستعجلوا المجيء التانى ودينونة الأشرار لأن لو الفساد ده انتشر وللأسف هو منتشر فى العالم وأخد صورة انه هو ده الصح يبقى يمكن تكون دى نهاية الأيام. لأن الشر عن وجهه القبيح كأن هو الحقيقة وما عداه هو الخطأ.

انهارده فى بعض البلاد الأجنبية اللى بيتجوز ببيصوا له انت مش طبيعى. تتجوز ليه وتربط نفسك و تذل روحك ما الدنيا أسهل من كده وإيه لزومه أساساً. زى ما لغوا ربنا لغوا الطبيعى لغوا كل حاجة حلوة، لغوا فكرة العيلة.

من مآسي الموضوع ده: انه انهارده فى عائلات كتير مشوهة فى العالم الغربى، تلاقى الطفل طالع يقولك أنا عندى أبين أو عندى أمين. لأن هو مش فاهم يعنى إيه بابا وماما. ما هو مفيش الشكل الطبيعى ده، وممكن بيغرس فيه من البداية هذا التوجه على انه ده الطبيعى فيترى على الغلط من أول يوم وكأنه طبيعى. وضميره يتخدر.

### "فِي رِيَاءِ أَقْوَالِ كَاذِبَةٍ، مَوْسُومَةً صَمَائِرُهُمْ،" (1تى4 : 2)

زى ما قال الكتاب. فيمكن الإنسان اللي طالع طبيعى يفضل ضميره تابعه لأنه حاسس انه مش زى باقي الولاد أو هي مش زى بقية البنات. انما هتوصل بالشر انه ضميره يتخدر ويبقى ده العادي. زى واحد من كتر الكذب مبيتعش لما يكذب بيعتبرها شطارة.

هكذا يصل الشر إلى أعماق البشر بحيث فى الآخر يبقى الشيطان مسيطر تماماً ميسبب حد يفكر فى النور أو يفكر فى الطهارة أو القداسة فى البراءة النقاوة. الكلام ده يبقى غريب جداً عن أهل الدنيا. زى ما قال القديس بولس:

"لَأَنَّهُمْ لَمَّا عَرَفُوا اللَّهَ لَمْ يُمَجِّدُوهُ أَوْ يَشْكُرُوهُ كَالِهٍ، بَلْ حَمَقُوا فِي أَفْكَارِهِمْ، وَأَظْلَمَ قَلْبُهُمُ الْعَبِيُّ"  
(روا : 24)

يعنى اصبحت الحكاية ظلمة، انما نفكركم ونقول الإنجيل قال:

"15 لِكَيْ تَكُونُوا بِلَا لَوْمٍ، وَبُسْطَاءَ، أَوْلَادًا لِلَّهِ بِلَا عَيْبٍ فِي وَسْطِ جِيلٍ مُّعْوَجٍ وَمُلْتَوٍ، تُضِيئُونَ  
بَيْنَهُمْ كَأَنْوَارٍ فِي الْعَالَمِ." (فى2 : 15)

هنفضل احنا نعلن عن الحق ونفضل نقول المسيح قال .. الإنجيل قال، استلمنا كده .. الطبيعة كده .. هندافع عن الحقيقة حتى لو موتنا بسببها.

+إلهنا كل مجد وكرامة إلى الأبد آمين+

Anba Abraam Media

الخرمة محتاجة اللؤلؤ و اللؤلؤ محتاج الخرمة